

8919943

中國方志叢書·華中地方·第二〇〇號

據

清光緒二十五年刊
清·朱正元輯
本

影印


浙江省

浙江省沿海圖說

(全)

成文出版社有限公司印行

5k76/11



10101455

19943

中華民國六十三年十二月臺一版

浙江省沿海圖說

全冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

浙江沿海圖說

增海島表

光緒己亥十月
上海聚珍板印

沿海圖說凡例

一衝要 每口分極衝次衝又次衝爲三等以見防守之難易緩急

一鈐轄 屬何縣何營

一里距 距鄰近要口城鎮若干里

一水道 註明深淺寬窄則何等船隻可到與否不待言而自見矣

大率輪船吃水二丈外者爲大號一丈外者爲中號一丈內者爲小號民船吃水以五尺爲度過此卽當與中小輪船等視至所註

水道深淺

水深以拓計每拓合六尺

均係大潮退後之數故須與下款潮汐參

觀

一潮汐 潮汐遲早每日不同大率逐日遞遲三刻三分旣知朔望

潮漲之時刻則逐日卽可遞推而知不必贅述焉至所定朔望時

刻係漲足時非初漲時

一沙礁 沙礁隱伏舟行所忌然礁有常而沙時變其潮猛流動之處歲異而月不同茲姑就見在情形詳晰註載俾知趨避

一島嶼 沿海島嶼大者足以屏藩口門小者亦可寄碇船隻星羅棋布半有漁舍雖此輩樂居近水亦以內地生齒日繁漸有人滿之虞也風濤沙礁是其童習輪帆帶水時資其力何可漫而無備顧連類而紀既恐繁文之混目畧而未及斯亦載筆者之疎也茲將詳細情形別列爲表各附於本卷之末

一城鎮 附近有何城鎮

一形勢 大凡地勢有前路必有後路有正路必有旁路由前路入犯者十一襲後路者十九由正路入犯者十一抄旁路者十九蓋前路正路必有堅臺重兵扼其衝後路旁路則隨處乘虛可入道光二十二年英人之犯乍浦也不於天后宮前而於東面金家灣

之花魚嘴其犯鎮海也不於招寶山而於南面之鉗口門卽以光緒二十一年近事論之旅順威海之失皆由間道抄襲礮臺後路其明證也是書於後路旁路尤爲致意

一船隻 商漁船隻往來飄忽最難稽考此僅約舉大數

一礮臺 何處係舊設何處係新建安礮若干尊配兵若干名其有宜改宜添之處亦間附鄙意用備采擇


一勇營 以光緒二十年至二十一年辦日防爲斷不復追述法防

一綠營 額設綠營兵幾名

浙江水師營船抽歸另一人統之存營者各止寥寥一二艘不能成軍不備書

一異名 一地數名者並見於此

一雜識 見聞所及有關大局而又出以上各款外者備載於此



浙江沿海圖說目錄

乍浦

澉浦

蟹浦

鎮海

甯波

三山浦

穿山

象山港

舟山

沈家門

爵溪所

石浦

健跳所

海門衛

松門衛

玉環

韓嶽埠

溫州

飛雲江

大漁口

南北關

沙埕港附

岱山

長塗

附海島表

衢山

浙江沿海圖說

候選州同 臣 朱正元恭撰

乍浦

衝要 極衝

鈐轄 屬嘉興府平湖縣嘉乍協左右兩水師營管轄

里距 西南距海鹽縣城陸路三十里距澈浦城六十里西距省垣二百二十里西北距平湖縣城二十餘里距嘉興府城七十里東距江蘇金山衛五十里東南距鎮海口海程二百里距定海二百二十里南渡餘姚北海岸洋面五十里

水道 南門外天后宮前沙灘逐年淤積潮退均露水面東面自觀山至益山及再東之獨山均深二三拓至四五拓不等近裏蒲山更深南面彩旗門則深至二十餘拓海底均係輾沙泥惟此間潮力甚猛

風浪尤大船難久泊○大孟與小孟間水深四五拓在此泊船畧有
障避惟須防西面各礁

潮汐 朔望日潮漲於十一點三刻鐘大潮高二丈五尺

沙礁 外蒲山之南有棺材礁大孟北面礁石尤多天后宮以西至海

鹽近岸一帶均係鐵版沙

鐵版沙質堅不受鏽

島嶼 東南有彩旗大孟小孟壓卵外蒲諸島

城鎮 海岸內半里有乍浦城城內大半荒蕪東北尤甚惟南門內外
畧有市肆附近無大鎮

形勢 地介江浙之間固浙省之外戶實蘇松之後路其東面自觀山
至益山綿亘十餘里及再東之獨山皆突入海中崖闊水深隨處可
以登岸宜以車礮馳驟迎擊與東面江蘇之金山衛及西面之澉浦
各防營聯爲一氣乃能有濟縱有堅臺巨礮株守一隅非策也

船隻 商漁船均約數十號惟四五六三月

俗名漁期

漁船多至百數十號

七八兩月潮汛極猛無船

礮臺

南門外天后宮靖安礮臺一所道光二十二年建同治十三年

改修光緒十一年再改修置一百八十磅彈阿姆斯脫郎前膛礮一

尊土礮四尊兵二十四名東面老礮臺置土礮三尊兵五十名觀山

麓保安城礮臺一所道光二十二年建同治十三年改修置土礮十

二尊兵五十名陳山嘴礮臺一所在唐家灣之南正對彩旗門光緒

元年建置土礮五尊兵五十名南灣礮臺一所二十一年建置一百

八十磅彈阿姆斯脫郎後膛礮一尊六生的及七生的半克虜卜車

礮八尊勇一百名

勇營 光緒二十一年辦防乍浦東面獨山三營城東南隅陸城橋二


營城內一營東西兩門外各一營龍尾山麓一營顧家橋一哨

綠營 額設副將一員守備二員千總二員把總三員外委六員兵裁存一百三十名

異名 外蒲山俗名小普陀觀山上有土燈塔因名燈光山大孟小孟或名大陌小陌又東南面有王盤山因名其海曰王盤洋西圖則以水道可通杭州也名杭州灣

雜識 道光二十二年英兵船泊金家灣列陣相攻既以小艇分兵由花魚嘴登岸抄出山後薄城遂陷○向有旗營駐防以副都統領之咸豐十一年髮匪犯乍衙署被毀克復後未議建復遂改駐省垣○乍浦東自獨山至江蘇金山衛西自天后宮至澉浦塘路本闊四五騎可以並轡宜稍治而平之復於山後別闢一徑以通礮路則不惟自固庭戶亦可兼顧金澉矣○光緒二十一年辦防濱海一帶山際掘有地營繚曲往復深與人等輔以土壘布置尙爲周密○上年嘉

興協裁歸乍浦協兼管遂改乍浦水師協爲嘉乍水陸協○觀山大
孟山均有土燈塔商家所置以示舟行



澈浦

衝要 次衝

鈴轄 屬嘉興府海鹽縣嘉乍協澈浦水師營管轄

里距 東北距海鹽縣城陸路三十里距乍浦六十里西北距嘉興府

城八十餘里西距談仙嶺十里距海甯州城七十餘里距省垣一百

六十里南渡餘姚洋面四十里

餘姚登岸處
曰倪家路

水道 南門外黃道關口爲民船停泊之所外有淺沙遙護出入必經

東面之巫子門

長牆山與巫子
山間爲巫子門

門深數十拓然急流成漩偶不經意

往往船隨水轉北面青山及西北秦駐山脚均深二三拓至六七拓

不等西面尖山一帶漸爲沙淤船路日遠再西則沙綫深洄無敢進

者東面海鹽城前二里外方有深水內係鐵版沙

潮汐 朔望日潮漲於半點鐘大潮高三丈二尺杭州灣自澈浦以上